

摘藻堂四庫全書薈要

集部

欽定四庫全書薈要

集部

御定全唐詩卷二十四

五

臣紀昀詳校

詳校官候補通騎經歷臣郭祚熾

欽定四庫全書薈要卷一萬七千四百二十九

集部

御定全唐詩卷二十四

雜曲歌辭

詩之流有八名曰行曰引曰歌曰謠曰吟曰詠曰怨曰歎皆六義之餘也至其

協聲律播金石總謂之曲

秦女休行

李白

西門秦氏女秀色如瓊花手揮白楊刀清晝殺雙家羅袖灑赤血英聲

集作氣

凌紫霞直上西山去關吏相邀遮

壻為燕國王身被詔獄加犯刑若履虎不畏落爪牙素



頸未及斷摧眉伏泥沙金雞忽放赦大辟得寬賒何慙  
聶政姊萬古共驚嗟

出門行二首

孟郊

長河悠悠去無極百齡同此可歎息秋風白露霑人衣  
壯心凋落奪顏色少年出門將訴誰川無梁兮路無歧  
一聞陌上苦寒奏使我佇立驚且悲君今得意厭梁肉  
豈復念我貧賤時

海風蕭蕭天雨霜窮愁獨坐夜何長驅車舊憶太行險

始知遊子悲故鄉美人相思隔天闕長望雲端不可越  
手持琅玕欲有贈愛而不見心斷絕南山峩峩白石爛  
碧海之波浩漫漫參辰出沒不相待我欲橫天無羽翰

同前

元稹

兄弟同出門同行不同志悽悽分歧路各各營所為兄  
上荆山巔翻石辨虹氣弟沈滄海底偷珠待龍睡出門  
不數年同歸亦同遂俱用私所珍升沈自茲異獻珠龍  
王宮值龍覓珠次但喜復得珠不求珠所自酬客雙龍

女授客六龍轡遣充行雨神雨澤隨客意雩夏鐘鼓繁

崇秋玉帛積彩色畫廊廟奴僮被珠翠驥騄千萬雙鴛

鴛七十二言者未稼枯

集作未  
搔舌

無人敢輕議其兄因獻

璞再刖不履地門戶親戚疎匡牀妻妾棄銘心有所待

視足無所愧持璞自枕頭淚痕雙血漬一朝龍醒寤本

問偷珠事因知行雨偏妻子五刑備仁兄捧屍哭勢友

掉頭諱喪車黔首葵弔客青蠅至楚有望氣人王前忽

長跪賀王得貴寶不遠王所益求之果如言剖則

集作  
出

浮雲集作膩白珩無顏色垂棘有瑕累在楚列地封入

趙連城貴秦遣李斯書書為傳國瑞秦亡漢魏傳傳者  
得神器卞和名永永與寶不相墜勸爾出門行行難莫  
行易易得還易失難同亦難離善賈識貧庶良田無種  
穉磨劒莫磨錐磨錐成小利

出自薊北門行

李白

虜陣橫北荒胡星曜精芒羽書速驚電烽火晝連光虎  
竹救邊急戎車森已行明主不安席按劒心飛揚推轂

出猛將連旗登戰場兵威衝絕漠殺氣凌穹蒼列卒一作

陣

赤山下開營紫塞傍途

集作窮

冬沙風

集作風沙

緊旌旗颯

凋傷畫角悲海月征衣卷天霜揮刃斬樓蘭彎弓射賢

王單于一平蕩種落自奔亡收功報天子行歌

一作歌舞歸

咸陽

薊門行五首

高適

邊城十一月雨雪亂霏霏元戎號令嚴人馬亦輕肥羌  
胡無盡日征戰幾人歸



幽州多騎射結髮重橫行一朝事將軍出入有聲名紛  
紛獵秋草相向角弓鳴

薊門逢故老獨立思氛氲一身既零丁頭鬢白紛紛勲  
庸今已矣不識霍將軍

茫茫集作黯黯長城外日沒更煙塵胡騎雖憑陵漢兵不顧

身古樹滿空塞黃雲愁殺人

漢家能用武開拓窮異域戍卒厭糠覈降胡飽衣食開

亭試一望吾欲涕集作淚霑臆

同前

李希仲

旄頭有精芒胡騎獵秋草羽檄南渡河邊庭用兵旱漢  
家愛征戰宿將今已老辛苦羽林兒從戎榆關道一身

救邊速烽火連

集作通

薊門前軍鳥飛

集作飛鳥

斷格鬪塵沙

昏寒日鼓聲急單于夜火

集作將

奔當須徇忠義身死報

國恩

一身救邊速以下集另作一首

君子有所思行

李白

紫閣連終南青冥天倪色憑崖望咸陽宮闕羅北極萬

井驚畫出九衢如弦直渭水清銀河

集作銀河清

橫天流不

息朝野盛文物衣冠何翕赭廐馬散連山軍容威絕域  
伊臯運元化衛霍輸筋力歌鐘樂未休榮去老還逼圓  
光過滿缺太陽移中昃不散東海金何爭西輝

集作匿飛

無作牛山悲惻愴淚霑臆

同前

僧貫休

我愛正考甫思賢作商頌我愛揚子雲理亂皆如鳳振  
衣中夜起露花香旖旎撲碎驪龍明珠敲出鳳凰五

色髓陋蒼蕭蕭風淅淅緬想斯人勝珪璧寂寥千載不  
相逢無限區區盡虛擲君不見沈約道佳人不在茲春  
光為誰惜

安得龍猛筆點石為黃金散問

一作向

酷吏家使無貪殘

心甘棠密葉成翠幄頽鳳不來天地塞所以

集有傾國二字傾

城人如今

集有如今二字

不可得

傷歌行

張籍側調曲

黃門詔下促收捕京兆尹

一作尹

繫御史府出門無復部

曲隨親戚相逢不容語辭成謫尉南海州受命不得須  
臾留身著青衫騎惡馬東門之東集作外無送者郵夫防  
吏急喧驅往往驚墮馬蹄下長安里中荒大宅朱門已  
除十二戟高堂舞榭鎖管絃美人遙望西南天

同前 孟郊

衆毒蔓貞松一枝難久榮豈知黃庭客仙骨生不成春  
色含芳蕙秋風遶枯莖彈琴不成曲始覺知音傾館月  
改舊照弔賓寫餘情還舟空江上波浪送銘旌

同前

莊南傑

兔走鳥飛不相見人事依稀速如電  
王母夭桃一度開  
玉樓紅粉千回變  
車馳馬走咸陽道  
石家舊宅空荒草  
秋雨無情不惜花  
芙蓉一一驚香倒  
勸君莫謾栽荆棘  
秦皇虛費一作負驅山力  
英風一去更無言  
白骨沈埋暮  
山碧

悲歌

李白

悲來乎悲來乎  
主人有酒且莫斟  
聽我一曲悲來吟  
悲

來不吟還不笑天下無人知我心君有數斗酒我有三尺琴琴鳴酒樂兩相得一杯不啻千鈞金悲來乎悲來乎天雖長地雖久金玉滿堂應不守富貴百年能幾何死生一度人皆有孤猿坐帝墳上月且須一盡杯中酒悲來乎悲來乎鳳鳥不至河無圖微子去之箕子奴漢帝不憶李將軍楚王放却屈大夫悲來乎悲來乎秦家李斯早追悔虛名撥向身之外范子何曾愛五湖功成名遂身自退劍是一夫用書能知姓名惠施不肯千萬

乘卜式未必窮一經還須黑頭取方伯莫謾白首為儒  
生

悲哉行

孟雲卿

孤兒去慈親遠客喪主人莫吟苦辛曲誰忍聞可聞

集作

此曲誰  
忍聞

可聞不可說去去無期別行人念前程不待參

辰沒朝亦常苦飢暮亦常苦飢飄飄萬餘里貧賤多是  
非少年莫遠遊遠遊多不歸

同前

白居易



悲哉為儒者力學不能

集作知

疲讀書眼欲暗秉筆手生

胝十上方一第成名常苦遲縱有宦達者兩鬢已成絲  
可憐少壯日適在窮賤時丈夫老且病焉用富貴為沈  
沈朱門宅中有乳臭兒狀貌如婦人光明膏梁肌手不  
把書卷身不擐戎衣二十襲封爵門承勲戚資春來日  
日出服御何輕肥朝從博徒飲暮有倡樓期評集作平封  
還酒債堆金選蛾眉聲色狗馬外其餘一無知山苗與  
澗松地勢隨高卑古來無奈何非君獨傷悲

同前 鮑溶

促促晨復昏死生同一源貴年不懼老賤老傷久存朗  
朗哭前歌絳旌引幽魂來為千金子去卧百草根黃土  
塞生路悲風送四轅金鞍舊良馬四顧不出 集作門生

結千歲念榮及百代孫 集作榮華及百孫 黃金買性命白刃讐

集作酬 一言寧知北山上松柏侵田園

妾薄命 崔國輔

雖入秦帝宮不上秦帝牀夜夜玉窗裏與他卷羅衣 集作

裳

同前 武平一

有女妖且麗，裴回湘水湄。  
水湄蘭杜芳，采之將寄誰。  
犀發皓齒雙，蛾頰翠眉紅。  
臉如開蓮素，膚若凝脂皤。  
約多逸態輕盈，不自持常矜絕代色。  
復恃傾城姿，子夫前入侍。  
飛燕復當時，正悅掌中舞。  
寧哀團扇詩，洛川昔云遇。  
高唐今尚違，幽閣禽雀噪。  
閒堦草露滋，流景一何速。  
年華不可追，解佩安所贈。  
怨咽空自悲。

同前 李百藥

團扇秋風起長門夜月明羞聞拊背入恨說舞腰輕太

常應集作先已醉劉君恒帶醒橫陳每虛設吉夢竟何成

同前 杜審言

草綠長門閉集作掩苔青永巷幽寵移新愛奪泣下故情

留啼鳥驚殘夢飛花攪獨愁自憐春色罷團扇復迎秋

同前 劉元淑

自從離別守空閨遙聞征戰起集作赴雲梯夜夜愁集作思

君遼海外

集作北

年年棄妾渭橋西  
陽春白日照空暖紫

燕銜花向庭滿綵鸞琴裏怨聲多  
飛鵲鏡前妝梳斷誰

家夫婿不從征應是漁陽別  
有情莫道紅顏燕地少家

家還似洛陽城且

集作旦

逐新人殊未歸還令秋至夜霜

飛北斗星前橫度

集作旅

鴈南樓月下擣寒衣  
夜深聞鴈

腸欲絕獨坐縫衣燈又滅  
暗啼羅帳空自憐夢度陽關

向誰說每憐容貌宛如神  
如何薄命不勝人願君朝夕

燕山至好作明年楊柳春

同前

李白

漢帝重

一作寵

阿嬌貯之黃金屋咳唾落九天隨風生珠

玉寵極愛還歇妒深情却踈長門一步地不肯暫回車

雨落不上天水覆難再

一作重難

收君情與妾意各自東西

流昔日芙蓉花今成斷根草以色事他人能得幾時好

同前  
孟郊

不惜十指弦為君千萬彈常恐新聲至

一作發

坐使

一作使我

故聲

一作曲

殘棄置今日悲即是昨日歡將新變故易持

故為新難青山有靡蕪淚葉長不乾空令後代人采掇

幽思攢

一作思幽蘭

同前

張籍

薄命婦良家子無事從軍去萬里漢家天子平四夷護  
羌都尉裹屍歸念君此行為死別對君裁縫泉下衣與  
君一日為夫婦千年萬歲亦相守君愛龍城征戰功妾  
願青樓歡樂同人生各各有所欲詎得將心入君腹

同前三首

李端

憶妾初嫁君花鬟如綠雲回燈入綺帳對

一作轉

面脫羅

裙折步教人學偷香與客熏容顏南國重名字北方聞  
一從失恩意轉覺身憔悴對鏡不梳頭倚窗空落淚新  
人莫恃新秋至會無春從來閉在長門者必是宮中第  
一人

玉壘城邊爭走馬銅蹄

集作駝

市裏共乘舟鳴環動佩思

無盡掩袖低巾淚不流疇昔將歌邀客醉如今欲舞對  
君羞恐懷賤妾平生曲獨上襄陽舊酒樓



自從君棄妾，憔悴不羞人。惟餘壞粉淚，未免映衫勻。

同前

盧綸

妾年初二八，兩度嫁狂夫。薄命今猶在，堅貞掃地無。

同前

盧弼

君恩已斷盡，成空追想嬌。歡恨莫窮長，為舜華光曉日。  
誰知團扇送秋風，黃金買賦心徒切。清路飛塵信莫通。  
閒凭玉欄思舊事，幾回春暮泣殘紅。

同前

胡曾

阿嬌初失漢皇恩，舊賜羅衣亦罷熏。  
歌枕夜悲金屋雨，卷簾朝泣玉樓雲。  
宮前葉落鴛鴦瓦，架上塵生翡翠裙。  
龍騎不巡時漸久，長門長集作空掩綠苔文。

同前

王貞白

薄命頭欲白，頻年嫁不成。  
秦娥未十五，昨夜事公卿。  
豈有機杼力，空傳歌舞名。  
妾專修婦德，媒氏却相輕。

羽林行

王建

長安惡少出，名字樓下傳。  
劫商樓上醉，天明下直闕。  
光宮

散入五陵松柏中  
百回殺人身合死  
赦書尚有收城功  
九衢一日消息定  
鄉吏籍中重改姓  
出來依舊屬羽林  
立在殿前射飛禽

同前 孟郊

朔雪寒斷指  
朔風勁裂冰  
胡中射鵰者  
此日猶不能  
翩  
翩羽林兒  
錦臂飛蒼鷹  
揮鞭決集作快  
白馬走出黃河凌

同前 鮑溶

朝出羽林宮  
入參雲臺  
議獨請萬里行  
不奏和親事  
君

王重年少深納開邊利寶馬雕玉鞍一朝從萬騎煌煌  
都門外祖帳光七貴歌鐘樂行軍雲物慘別地簫笳整  
部曲幢蓋動郊次臨風親感懷滿袖兒女淚行行復何  
贈長劒報恩字

白馬篇

李白

龍馬花雪毛金鞍五陵豪秋霜切玉劒落日明珠袍鬪  
鷄事萬乘軒蓋一何高弓摧宜集作南山虎手接泰山猱  
酒後競風彩三杯弄寶刀殺人如剪草劇孟同遊遨發

憤去函谷從軍向臨洮叱咤萬戰場

一作經  
百戰

匈奴盡波

濤

集作  
奔逃

歸來使酒氣未肯拜蕭曹羞入原憲室荒徑

集作

淫

隱蓬蒿

升天行

僧齊已

身不沉骨不重驅青鸞駕白鳳幢蓋飄飄入冷空天風

瑟瑟星河動瑤闕參差阿母家樓臺戲閉凝彤霞五三

集作  
三五

仙子乘龍車堂前碾爛蟠桃花回頭却顧蓬山

集作

萊頂一點濃嵐在深井

神仙曲

李賀

碧峰海面藏靈書上帝揀作神仙居晴時

集作清明

笑語聞

空虛鬪乘巨浪騎鯨魚春羅剪字邀王母共宴紅樓最  
深處鶴羽衝風過海遲不如卻使青龍去猶疑王母不  
相許垂露娃鬟更傳語

北風行

李白

燭龍棲寒門光曜猶旦開日月照之何不及此惟有北  
風怒號天上來燕山雪花大如席片片吹落軒轅臺幽

州思婦十二月停歌罷笑雙蛾推倚門望行人念君長

城苦寒良可哀別時提劍救邊去遺此虎文金鼈釵

集作

韓中有一雙白羽箭蜘蛛結網生塵埃箭空在人今戰

死不復迴不忍見此物焚之已成灰黃河捧土尚可塞

北風雨雪恨難裁

一作  
哉

苦熱行

王維

赤日滿天地火雲成山嶽草木盡焦卷川澤皆竭涸輕  
紈覺衣重密樹苦陰薄莞簞不可近絺綌再三濯思出

宇宙外曠然在寥廓長風萬里來江海蕩煩濁却顧身  
為患始知心未覺忽入甘露門宛然清涼樂

同前

王穀

祝融南來鞭火龍火旗焰焰燒天紅日輪當午凝不去  
萬國如在洪爐中五嶽翠乾雲彩滅陽侯海底愁波竭  
何當一夕金風發為我掃却天下熱

同前

僧皎然

六月金數伏茲辰日在庚炎曦曝

集作

肌膚毒霧昏檐



楹

集作性情

安得奮翅

集作輕

翮超遙出雲征不知天地心如

何匠生成火德燒百卉瑤草不及榮省客當此時忽貽  
懷中瓊捧翫煩袂滌嘯歌美風生遲君佐元氣調使四  
序平中令霜不祆火餘氣常貞江南詩騷客休吟苦熱  
行

同前

僧齊已

離宮劃開赤帝怒喝起六龍奔日馭下土熬熬若煎煮  
蒼生惶惶無處處火雲崢嶸焚沈寥東臯老農腸欲焦

何當一雨蘇我苗為君擊壤歌帝堯

太行苦熱行

劉長卿

迢迢太行路自古稱險惡千騎儼欲前羣峰望如削火

雲從中起

集作出

仰視飛鳥落汗馬卧高原危旌倚長薄

清風何不至赤日方煎爍石露

集作枯

山木焦鱗窮水泉

涸九重今旰食萬里傳明略諸將候軒車元兇懸鼎鑊  
何勞短兵接自有長纓縛通越事豈難渡瀘功未博朝  
辭羊腸坂夕望貝丘郭漳水斜遶營常山遙入幕永懷

姑蘇下因

集作遙

寄建安作白雪和誠難滄波意空託陳

琳書記好王粲從軍樂早晚歸漢庭隨君

集作公

上麟閣

同前

獨孤及

駟馬上太行修途亘遼碣王程無留駕日昃未遑歇請

問此何時恢台朱明月長蛇稽天討上將方北伐明主

命使臣皇華得時傑已忘羊腸險豈憚溫

集作濕

風入

集作

熱搖策汗滂沱

集作滄

登崖

集作岸

思紆結炎雲如煙火溪

谷將恐竭晝景艷可畏涼飈何由發山長飛鳥墮目極

行車絕趙魏方倣擾安危俟明哲歸路豈不懷飲心有  
苦節會同傳檄至疑議立談決況有阮元瑜翩翩策書  
札起予歌赤坂永好踰白雪誰念剖竹人無因執羈紲

春日行

李白

深宮高樓入紫清金作蛟龍盤繡

一作繡作

楹佳人當窗弄

白日弦將手語彈鳴箏春風吹落君王耳此曲乃是升  
天行因出天池汎蓬瀛樓船蹙春波浪驚三千雙蛾獻  
歌笑搃鐘考鼓宮殿傾萬姓聚舞歌太平我無為人自

寧三十六帝欲相迎仙人飄翩下雲輶帝不去留鎬京  
安能為軒轅獨往入窅冥小臣拜獻南山壽陛下萬古  
垂鴻名

同前

張籍

春日融融池上暖竹牙出土蘭心短草堂晨起酒半醒  
家僮報我園花滿頭上皮冠未曾整直入花間不尋徑  
樹樹殷勤盡遶行舉集作攀枝未徧春日暝不用積金著

青天不用服藥求神仙但願園裏花長好一生飲酒花

前老

朗月行

李白

小時不識月呼作白玉盤又疑瑤臺鏡飛在青

集作白

雲

端仙人垂兩足桂樹作團團白兔擣藥成問言與誰餐  
蟾蜍蝕園影天明夜已殘羿昔落九烏天人清且安陰  
精此淪惑去去不足觀憂來其如何惻

集作悽

愴摧心肝

前有一尊酒行二首

李白

春風東來忽相過金尊綠酒生微波落花紛紛稍覺多

美人欲醉朱顏酡青軒桃李能幾何流光欺人忽蹉跎  
君起舞日西夕當年意氣不肯傾

集作平

白髮如絲歎何益

琴奏龍門之綠桐玉壺美酒清若空催弦拂柱與君飲

看朱成碧顏始紅胡姬貌如花當壚笑春風舞

羅衣君今不醉欲

集作將

安歸

緩歌行

李頎

小來託身攀貴遊傾財破產無所憂暮擬經過石渠署  
朝將出入銅龍樓結交杜陵輕薄子謂言可生復可死

一沈一浮會有時棄我翻然如脫屣男兒立身須自彊

十五閉門頽水陽業就功成見明主擊鐘鼎食坐華堂

二八蛾眉梳墮馬美酒清歌曲房下文昌宮中賜錦衣

長安陌上退朝歸五侯集作陵賓從莫敢視三省官寮揖

者稀早知今日讀書是悔作從來集作前任俠非

結客少年場行虞世南

韓魏多奇節倜儻遺名集作聲利共矜然諾心各負縱橫

志結友集作交一言重相思集作期千里至綠沈明月弦金



絡浮雲轡吹簫入吳市擊筑游燕肆尋源博望侯結客

遠相求少年重

集作懷

顧長驅背隴頭皸皸霜戈

集作戈霜

動耿耿劒虹浮天山冬夏雪交河南北流雲起龍沙暗

木落鴈行

集作門

秋輕生徇知己非是為身謀

同前

虞羽客

幽并俠少年金絡控連錢竊符方救趙擊筑正懷燕輕

生辭鳳闕揮袂上祁連陸離橫寶劒出沒驚

集作驚

徂旃

蒙輪恒顧敵超乘忽爭先摧枯逾百戰拓地遠三千骨

都魂已散樓蘭首復傳龍城含曉霧瀚海隔

集作接

遙天

歌吹金微返振旅玉門旋烽火今已息非復照甘泉

同前

盧照隣

長安重遊俠洛陽富才雄玉劍浮雲騎金鞍

集作鞭

明月

弓鬪雞過渭北走馬向關東孫賓遙見待郭解暗相通

不受千金爵誰論萬里功將軍下天上虜騎入雲中烽

火夜似月兵氣曉成虹橫行徇知己負羽遠從戎龍旌

昏朔霧鳥陣卷寒風追奔瀚海咽戰罷陰山空歸來謝

天子何如馬上翁

同前 李白

紫燕黃金瞳啾啾

一作稜稜

搖綠髮平明相馳逐結客洛門

東少年學劍術凌轢白猿公珠袍曳錦帶匕首插吳鴻  
由來萬夫勇挾此生雄風託交從劇孟買醉入新豐笑  
盡一杯酒殺人都市中羞道易水寒從今日貫虹燕丹  
事不立虛沒秦帝宮舞陽死灰人安可與成功

同前

沈彬

重義輕生一劍知  
白虹貫日報讐歸  
片心惆悵清平世  
酒市無人問布衣

少年子

李百藥

少年飛翠蓋  
上路動

集作勒

金鑣始酌文君酒  
新吹弄玉

簫少年不歡樂  
何以盡芳朝  
千金笑裏面  
一搦抱

集作掌

中腰掛冠

集作纓

豈憚宿迎拜

一作落珥

不勝嬌寄語少年子

無辭歸路遙

同前

李白

青雲少年子挾彈章臺左  
鞍馬四邊開突如流星過  
金丸落飛鳥夜入瓊樓卧  
夷齊是何人獨守西山餓

少年樂

李賀

芳草落花如錦地  
二十長遊醉鄉裏  
紅纓不重

集作動

白

馬驕垂柳金絲香  
拂水吳娥未笑花  
不開綠鬢聳墮蘭  
雲起陸郎倚醉醉  
牽羅袂奪得寶釵  
金翡翠

同前

張祜

二十便封侯名居第一流  
綠鬟深小院清管下高樓  
醉

把金船擲閒敲玉鐙遊帶盤紅鼯鼠袍研紫犀牛錦袋  
歸調箭羅鞋起撥毬眼前長貴盛那信世間愁

少年行三首

李白

擊筑飲美酒劒歌易水湄經過燕太子結託并州兒少年  
負壯氣奮烈自有時因聲集作擊魯句踐爭情一作博勿相欺

五陵年少金市東銀鞍白馬度春風落花踏盡遊何處  
笑入胡姬酒肆中

君不見淮南少年遊俠客白日球獵夜擁擲呼盧百萬

終不惜報讐千里如咫尺少年遊俠好經過  
渾身裝束皆綺羅蘭蕙相隨喧妓女風光去處滿  
笙歌驕矜自言不可有俠士堂中養來久好鞍好馬  
乞與人十千五千旋沽酒赤心用盡為知己黃金不  
惜栽桃李桃李栽來幾度春一回花落一回新府縣  
盡為門下客王侯皆是平交人男兒百年且樂命  
何須徇書受貧病男兒百年且榮身何須徇節甘風  
塵衣冠半是征戰士窮儒浪作林泉民遮莫枝根長  
百丈不知當代多還往遮莫姻親

連帝城不如當身自簪纓看取富貴眼前者何用悠悠  
身後名

同前四首

王維

新豐美酒斗十千咸陽遊俠多少年相逢意氣為君飲  
繫馬高樓垂柳邊

漢家君臣歡宴終高議雲臺論戰功天子臨軒賜侯印  
將軍佩出明光宮

出身仕漢羽林郎初隨驃騎戰漁陽孰知不向邊庭苦



縱死猶聞俠骨香

一身能臂

集作  
擘

兩雕弧虜騎千羣

集作  
重

只似無偏坐金

鞍調白羽紛紛射殺五單于

同前二首

王昌齡

西陵俠年少送客過長亭青槐夾兩路

集作  
道

白馬如流

星聞道羽書急單于寇井陘氣高輕赴難誰顧燕山銘

走馬還

集作  
遠

相尋西樓下夕陰結交期一劍留意贈千

金高閣歌聲遠重關柳色深夜閑須盡醉莫負百年心

同前 張籍

少年從出獵

集作獵出

長楊禁中新拜羽林郎獨到輦前射

雙虎君王手賜黃金鐙

集作璫

日日鬪雞都市裏贏得寶

刀重刻字百里報讐夜出城平明還在倡樓醉遙聞虜

到平陵下不待詔書行上馬斬得名王獻桂宮封侯起

第一日中不為六郡良家子百戰始取邊城功

同前三首 李嶷

十八羽林郎戎衣事

集作侍

漢王臂鷹金殿側挾彈玉輿

旁馳道春風起陪遊出建章

侍獵長楊下承恩更射飛塵生馬影滅箭落雁行稀薄

暮歸隨

集作  
隨天

仗聯翩入瑣闈

玉劒膝邊橫金杯馬上傾朝遊茂陵道暮宿鳳凰城  
豪吏多猜忌無勞問姓名

同前

劉長卿

射飛誇侍獵行樂愛聯鑣薦枕青娥艷鳴鞭白馬驕  
曲房珠翠合深巷管絃調日晚春風裏衣香滿路飄

同前四首 令狐楚

少小邊州慣放狂，驍騎蕃馬射黃羊。  
如今年事無筋力，猶倚營門數鴈行。

家本清河住五城，須憑弓箭得功名。  
等閒飛鞚秋原上，獨向寒雲試射聲。

弓背霞明劍照霜，秋風走馬出咸陽。  
未收天子河湟地，不擬回頭望故鄉。

霜滿中庭月過滿

集作滿

樓金尊玉柱對清秋，當年稱意須

為樂不到天明未肯休

同前二首

杜牧

官為駿馬監職帥羽林兒  
兩綬藏不見落花何處期  
獵敲白玉鐙怒袖紫金鉤  
田實長留醉蘇辛曲護

集作讓

岐

豪持出塞節笑別遠山眉  
捷報雲臺賀公卿拜壽巵  
連環羈玉聲光碎綠錦蔽  
泥虬卷高春風細雨走馬  
去珠落璫璫白罽袍

同前三首

杜甫

莫笑田家老瓦盆自從盛酒長兒孫  
傾銀注瓦驚人眼  
共醉終同卧竹根

巢燕養雛渾去盡紅花結子已無多  
黃衫年少來宜數  
不見堂前東逝波

馬上誰家白面一作薄媚郎  
臨堦下馬坐人牀  
不通姓字麤

豪甚指點銀瓶索酒嘗

同前 張祐

少年足集作年少好風情垂鞭賣眼集作眦睚行帶金師子小裘

錦麒麟選

集作揀

匠裝金

集作銀

鎗推

集作堆

錢買細箏李

陵雖效死時論得虛名

同前

韓翃

千點爛埤噴玉

集作玉勒

驄青絲結尾繡纏駿鳴鞭晚

集作曉

出章臺路葉葉春依

集作衣

楊柳風

同前

施肩吾

醉騎白馬走空衢  
惡少皆稱電不如  
五鳳街頭閒勒轡

半垂衫袖捐金吾

同前三首

僧貫休

錦衣鮮華手擎鵲閒行氣貌多輕忽稼穡艱難總不知  
五帝三皇是何物

自拳五色毬迸入他人宅卻捉蒼頭奴玉鞭打一百  
面白如削玉猖狂曲江曲馬上黃金鞍適來新賭得

同前

韋莊

五陵豪客多買酒黃金賤醉下酒家樓美人雙翠幃揮  
劍邯鄲市走馬梁王苑樂事殊未央年華已云晚



漢宮少年行

李益

君不見上宮警夜營八屯  
鼙鼙街鼓朝朱軒  
玉階霜仗擁未合  
少年排入銅龍門  
暗聞弦管九天上  
宮漏沈沈清吹繁  
纔明走馬絕馳道  
呼鷹挾彈通繚垣  
玉籠金鎖養黃口  
探雛取卵伴王孫  
分曹六博快一擲  
迎歡先意笑語喧  
巧為柔媚學優孟  
儒衣嬉戲冠沐猿  
晚來香街經柳市  
行過倡市宿桃根  
相逢杯酒一言失  
回朱點白聞至尊  
金張許史伺顏色  
王侯將相莫敢論  
豈知人事

無定勢朝歡暮戚如掌翻椒房寵移子愛奪一夕秋風  
生戾園徒用黃金將買賦寧知白玉暗成痕持杯收水  
水已覆徒薪避火火更燔欲求四老張丞相南山如天  
不可上

長樂少年行

崔國輔

遺卻珊瑚鞭白馬驕不行章臺折楊柳春草

集作日

路旁

情

長安少年行十首

李廓

金紫少年郎繞街鞍馬光身從左中尉官屬右春坊刻  
戴揚州帽重熏異國香垂鞭踏青草來去杏園芳

追逐輕薄伴閑遊不著緋長攏出獵馬數換打球衣曉  
日尋花去春風帶酒歸青樓無晝夜歌舞歇時稀

日高春睡足帖馬賞年華倒插銀魚袋行隨金犢車還  
攜新市酒遠醉曲江花幾度歸侵黑金吾送到家

好勝耽長行天明燭滿樓留人看獨脚賭馬換偏頭樂  
奏曾無歇杯巡不暫休時時遙冷笑怪客有春愁

遨遊攜艷妓裝束似男兒杯酒逢花住笙歌簇馬吹鸞

聲催曲急春色訝

集作送

歸遲不以聞街鼓華筵待月移

賞春惟逐勝大宅可曾歸不樂還逃席多狂慣衩衣歌

人踏月起語燕卷簾飛好婦

集作婦好

惟相妒倡樓不醉稀

戟門連日閉苦飲惜殘春開瑣通新客教姬屈醉人請

集作倩

歌牽白馬自舞踏紅茵時輩皆相許平生不負身

新年高殿上始見有光輝玉鴈排方帶金鷺立仗衣酒

深和椀賜馬疾打珂飛朝下人爭看香街意氣歸

遊市慵騎馬隨姬入坐車樓邊聽歌吹簾外市釵

集作見鶯

花樂眼從人鬧歸心畏日斜蒼頭來去報飲伴到倡家  
小婦教鸚鵡頭邊喚醉醒犬嬌眠玉簾鷹掣撼金鈴碧  
地攢花障紅泥待客亭雖然長按曲不飲不曾聽

同前

僧皎然

翠樓春酒蝦蟇陵長安少年皆共矜紛紛半醉綠槐道  
蹀躞花驄驕不勝

渭城少年行

崔顥

洛陽一

集作三

月梨花飛秦地行人春憶歸揚鞭走馬城

南陌朝逢驛使秦川客驛使前日發章臺傳道長安春

早來棠梨宮中燕初至葡萄館裏花正開念此使人歸

更早三月便達長安道長安道上春可憐搖風蕩日曲

河邊萬戶樓臺臨渭水五陵花柳滿秦川秦川寒食盛

繁華遊子春來喜見花

集作不見花

鬪鷄下杜塵初合走馬

章臺日半斜章臺帝城稱貴里青樓日晚歌鐘起貴里

豪家白馬驕五陵年少不相饒雙雙挾彈來金市兩兩

鳴鞭上渭橋渭橋城頭酒新熟金鞍白馬誰家宿可憐  
錦瑟箏琵琶玉臺清酒就君集作家小婦春來不解羞  
嬌歌一曲楊柳花

邯鄲少年行

高適

邯鄲城南遊俠子自矜生長邯鄲裏千場縱博家仍富  
幾度報讐身不死宅中歌笑日紛紛門外車馬如雲屯  
集作常未知肝膽向誰是令人却憶平原君君不見今  
如雲人交態薄黃金用盡還疎索以茲感激一作辭舊遊更

於時事無所求且與少年飲美酒往來射獵西山頭

同前 鄭錫

霞鞍金口騮豹袖紫貂裘家住叢臺下

集作近

門前漳水

流喚人呈楚舞借客試吳鉤見說秦兵至甘心赴國讐

御定全唐詩卷二十四



欽定四庫全書薈要卷一萬七千四百三十

集部

御定全唐詩卷二十五

雜曲歌辭

輕薄篇

李益

豪不必馳千騎雄不在垂雙鞬天生俊氣自相逐出與  
鵑鶚同飛翻朝行九衢不得意下鞭走馬城西原忽聞  
燕雁一聲去迴鞭挾彈平陵園歸來青樓曲未半美人  
玉色當金尊淮陰少年不相下酒酣半笑倚市門安知

我有不平色白日欲顧

集作落

紅塵昏死生容易如反掌

得意失意由一言少年但飲莫相問此中報讐亦報恩

同前二首

僧貫休

繡林錦野春態相壓誰家少年馬蹄蹋蹋鬪雞走狗夜  
不歸一擲賭却如花妾集作誰惟云不顛不狂其名不彰

悲夫

木落蕭蕭蛩鳴唧唧不覺朱薦臉紅霜劫鬢漆世途多  
事泣向秋日方吟少壯不努力老大徒傷悲如何

輕薄行

僧齊己

玉鞭金鐙驕蹄橫  
眉吐氣如虹霓  
五陵春暖芳草齊  
笙歌到處花成泥  
日沈月上且鬪雞  
醉來莫問天高低  
伯陽道德何涕唾  
仲尼禮樂徒卑棲

灞上輕薄行

孟郊

長安無緩步  
況值天景暮  
相逢灞滻間  
親戚不相顧  
自歎方拙身  
忽隨輕薄倫  
常恐失所避  
化為車轍塵  
此生白髮疾  
走亦未歇

遊俠篇

崔顥

少年負膽氣好勇復知機  
仗劒出門去孤城逢合圍  
殺人遼水上走馬漁陽歸  
錯落金瑣甲蒙茸貂鼠衣  
還家行且獵弓矢速如飛  
地迴鷹犬疾草深狐兔肥  
腰間懸帶集作兩綬轉眄生光輝  
顧謂今日戰何如隨建威

遊俠行

孟郊

壯士性剛決火中見石裂  
殺人不回頭輕生如暫別  
豈知眼有淚肯白頭上髮  
平生無恩酬劒閒一百月

俠客行

李白

趙客縵胡纓，吳鉤霜雪明。  
銀鞍照白馬，颯沓如流星。  
十步殺一人，千里不留行。  
事了拂衣去，深藏身與名。  
閒過信陵飲，脫劍膝前橫。  
將炙啖朱亥，持觴勸侯嬴。  
三杯吐然諾，五嶽倒為輕。  
眼花耳熱後，意氣素霓生。  
救趙揮金槌，邯鄲先震驚。  
千秋二壯士，烜赫大梁城。  
縱死俠骨香，不慙世上英。  
誰能書閣下，白首太玄經。

同前

元稹

俠客不怕死怕在事不成事成不肯藏姓名我非竊賊  
誰夜行白日堂堂殺袁盎九衢草草人面青此客此心  
師海鯨海鯨露背橫滄溟海波分作兩處生海鯨分海  
減海力俠客有謀人不測三尺鐵蛇延二國

同前

溫庭筠

欲出鴻都門陰雲蔽城闕寶劍黯如水微紅濕餘血白

馬夜頻嘶

一作驚

三更霸陵雪

行行遊且獵篇

李白

邊城兒生年不讀一字書但知遊獵誇輕趨胡馬秋肥  
宜白草騎來躡影何矜一作可憐驕金鞭拂雲揮鳴鞘半酣  
呼鷹出遠郊弓彎滿月不虛發雙鷁迸落連飛鷃海邊  
觀者皆辟易猛氣英風振沙磧儒生不及遊俠人白首  
下帷復何益

遊子吟 孟郊

慈母手中線遊子身上衣臨行密密縫意恐遲遲歸誰  
言寸草心報得三春暉

同前 顧況

故樞思疲馬故巢思迷禽浮雲蔽我鄉躑躅遊子吟遊  
子悲久滯浮雲鬱東岑客堂無絲桐落葉如秋霖艱哉  
遠遊子所以悲滯淫一為浮雲詞憤塞誰能禁馳暉

集作

歸

百年內惟願展所欽胡為不歸歟坐使年病侵未老

霜遶鬢非狂火燒心太行何艱哉北斗不可斟夜晴星  
河出耿耿辰與參佳人負青天尺素重於金沈寥羣動  
異眇默諸境森苔衣上閒階蜻蛚

集作蟋蟀

催寒砧立身計



幾誤道險無容針三年不還家萬里遺錦衾夢魂無重

阻離憂因

集作  
周

古今胡為不歸歟孤負丘中琴腰下是

何物牽纏曠登尋朝與名山期夕宿楚水陰楚水殊演  
漾名山杳嶮欽客從洞庭來婉孌瀟湘深橘柚在南國  
鴻雁遺秋音下有碧草洲上有青橘林引燭窺洞穴凌  
波睥天琛蒲荷影參差鳬鶴雛淋泠浩歌惜芳杜散髮  
輕華簪胡為不歸歟淚下霑衣襟鳶飛戾霄漢螻蟻制  
鱣鱣赫赫大聖朝日月光照臨聖主雖啟迪奇人分堙

沈層城發

集作登

雲韶玉

集作王

府鏘球琳鹿鳴志豐草況

復虞人箴

同前

李益

女羞夫壻蕩客恥主人賤遭遇同衆流低回愧相見君  
非青銅鏡何事空照面莫以衣上塵不謂心如練人生  
當榮盛待士勿言倦君看白日馳何異弦上箭

壯士吟

賈島

壯士不曾悲悲即無回期如何易水上未歌先淚垂

壯士行

劉禹錫

陰風振寒郊，猛虎正咆哮。  
徐行出燒地，連吼入黃茆。  
壯士走馬去，鎗前彎玉弰。  
叱之使人立，一發如鉞交。  
悍睛忽星墜，飛血濺林梢。  
彪炳為我席，羶腥充我庖。  
里中欣害除，賀酒紛號呶。

集作呶號

明日長橋上，傾城看斬蛟。

同前

鮑溶

西方太白高，壯士羞病死。  
心知報恩處，對酒歌易水。  
砂鴻嗥天末，橫劍別妻子。  
蘇武執節歸，班超束書起。  
山河

不足重重在遇知已

同前 施肩吾

一斗之膽撐臟腑如礪之筋礙臂骨有時悞入千人叢  
自覺一身橫突兀當今四海無煙塵胸襟被壓不得伸  
凍臬殘薑我不取汙我匣裏青蛇鱗

浩歌

南風吹山作平地帝遣天吳移海水王母桃花千遍紅  
彭祖巫咸幾回死青毛驄馬參差錢嬌春楊柳含細

一作

細煙箏人勸我金屈卮神血未凝身問誰不須浪飲一作

亂舞丁督護世上英雄本無主買絲繡作平原君有酒惟

澆趙州土漏催水咽玉蟾蜍衛娘髮薄不勝梳看一作羞

見秋眉換深集作新綠二十男兒那刺促

浩歌行 白居易

天長地久無終畢昨夜今朝又明日鬢髮蒼浪牙齒疎  
不覺身年四十七前去五十有幾年把鏡照面心茫然  
既無長繩繫白日又無大藥駐朱顏朱顏日漸不如故

青史功名在何處欲留年少待富貴富貴不來年少去  
去復去兮如長河東流赴海無迴波賢愚貴賤同歸盡  
北邙塚墓高嵯峨古來一作今如此非獨我未死有酒且  
酣歌顏回短命伯夷餓我今所得亦已多功名富貴須  
待命命若不來知一作爭奈何

歸去來引

張熾

歸去來歸期不可違相見故明月浮雲共我歸

麗人曲

崔國輔

紅顏稱絕代，欲並真無侶。獨有鏡中人，由來自相許。

麗人行

杜甫

三月三日天氣新，長安水邊多麗人。態濃意遠淑且真，

肌理細膩骨肉勻。

一作畫

羅衣裳，照暮春。感金孔雀銀

麒麟，頭上何所有，翠微

一作為

釵

一作勻

葉垂鬢，脣背後何

所見。珠壓腰，襖穩稱身就。中雲幕，椒房親。賜名大國號，

與秦紫駝之峰

一作珍

出翠釜，水晶之盤行。素鱗犀筋厭

飫，久未下。鸞刀縷，切空紛。綸黃門，飛鞚不動塵。御廚絲

絡一作駱驛

送八珍簫鼓

一作管

哀吟感鬼神賓從雜還實要

津後來鞍馬何逡巡當軒

一作道

下馬入錦茵楊花雪落

覆白蘋青鳥飛去銜紅巾炙手可熱勢

一作世

絕倫慎莫

近一作向

前丞相嗔

東飛伯勞歌

張東之

青田白鶴丹山鳳婺女姮娥兩相送誰家絕世綺帳前  
艷粉芳脂映寶鈿窈窕玉堂褰翠幕參差繡戶懸珠箔  
絕世二五愛紅妝冶袖長裾蘭麝香春去花枝俄易改



可歎年光不相待

同前 李嶠

傳書青鳥迎簫鳳  
巫嶺荆臺數通夢  
誰家窈窕住園樓

五馬千金照陌頭  
羅裙

一作裾

玉佩當軒出  
點翠施紅競

春日佳人二八盛  
舞歌羞將百萬呈  
雙娥庭前芳樹朝  
夕改空駐妍華欲  
誰待

同前 李暇

秦王龍劒燕后琴  
珊瑚寶匣鏤雙心  
誰家女兒抱香枕

開衾滅燭願侍寢瓊窗半上金縷幃輕羅隱

集作掩

面不

障集作遮羞青綺幃中坐相憶紅羅鏡裏見愁色簷花照

月鶯對樓空將可憐暗中啼

鳴雁行

李白

胡雁鳴辭燕山昨發委羽朝度關一一銜蘆枝南飛散  
落天地間連行接翼往復還客居煙波寄湘吳凌霜觸  
雪毛體枯畏逢矰繳驚相呼聞弦虛墜良可吁君更彈  
射何為乎

同前 韓愈

嗷嗷鳴雁鳴且飛窮秋南去春北歸去寒就暖識所處

一作依天長地闊棲息稀風霜酸苦稻粱微羽毛摧落身

不肥徘徊反顧羣侶違哀鳴欲下洲一作淵渚非江南水

閱朝一作朔雲多草長沙輭無網羅閒飛靜集鳴相和違

憂懷息一作惠性匪他凌風一舉君謂何

同前 鮑溶

七月朔方雁心苦聯影翻空落南土八月江南陰復晴

浮雲繞天難夜行羽翼勞痛心虛驚一聲相呼百處鳴  
楚童夜宿煙波側沙上布羅連草色月闇風悲欲下天  
不知何處容棲息楚童胡為傷我神爾不曾作遠行人  
江南羽族本不少寧得網羅此客鳥

同前

陸龜蒙

朔風動地來吹起沙上聲閨中有邊思玉筯此時橫莫  
怕兒女恨主人烹不鳴

空城雀

李白

嗷嗷空城雀身計何戚促本與鷦鷯羣不隨鳳凰族挺  
攜四黃口飲乳未嘗足食君糠粃餘常恐烏鳶逐恥涉  
太行險羞營覆車粟天命有定端守分絕所欲

同前

王建

空城雀何不飛來人家住空城無人種禾黍土間生子  
草間長滿地蓬蒿幸無主近村雖有高樹枝雨中無食  
長苦饑八月小兒挾弓箭家家畏我

集作  
向

田頭飛但能

不出空城裏秋時百草皆有子黃口

集作  
報言

黃口莫啾啾

長爾得成無橫死

同前

耳聾夷中

一雀入官倉所食能損幾所慮往損頻囑倉乃害爾魚  
網不在天鳥網不在水飲啄要自然何必空城裏

同前

劉駕

饑啄空城土莫近太倉粟一粒未充腸却入公子腹且  
弔城上骨幾曾害爾族不聞莊辛語今日寒蕪綠

車遥遥

孟郊

路喜到江盡江上又通舟舟車兩無阻何處不得遊丈  
夫四方志女子安可留郎自別日言無令生遠愁旅雁  
忽叫月斷猿寒啼秋此夕夢君夢君在百城樓寄淚無  
因波寄恨無因轉願為馭者手與郎迴馬頭

同前

張籍

征人遙遙出古城雙輪齊動馬鳴山川無處無

集作不

歸路念君長作萬里行野田人稀秋草綠日暮放馬車  
中宿驚麕遊兔在我傍獨唱鄉歌對童僕君家大宅鳳

城隅年年道上隨行車願為玉鑾繫華軾終日有聲在  
君側門前舊轍久已平無由復得君消息

同前

張祐

東方矐矐車軋軋地色不分新去轍閨門半掩牀

集作窗

半空斑斑枕花殘淚紅君心若車千萬轉妾身如轍遺  
漸遠碧川迢迢山宛宛馬蹄在耳輪在眼桑間女兒情  
不淺莫道野蠶能作繭

同前

胡曾



自從車馬出門朝，便入空房守寂寥。  
玉枕夜殘魚信絕，金鈿秋盡雁書遙。  
臉邊楚雨臨風落，頭上春雲向日銷。  
芳草又衰還不至，碧天霜冷轉無憀。

自君之出矣

辛宏智

自君之出矣，梁塵靜不飛。  
思君如滿月，夜夜減容暉。

同前

李康成

自君之出矣，弦吹絕無聲。  
思君如百草，撩亂逐春生。

同前

盧仝

自君之出矣壁上蜘蛛織近取見妾心夜夜無休息妾  
有雙玉環寄君表相憶環是妾之心玉是君之德馳情  
增悴容蓄思損精力玉簾寒悽悽延想心惻惻風含霜  
月明水泛碧天色此水有盡時此情無終極

同前

雍裕之

自君之出矣寶鏡為誰明思君如隴水長聞嗚咽聲

同前

張祜

自君之出矣萬物看成古千尋萼蔭枝爭奈長長苦

長相思

郎大家宋氏

長相思久離別關山阻風煙絕臺上鏡文銷袖中書字  
滅不見君形影何曾有懽悅

同前

蘇頲

君不見天津橋下東流水東望龍門北朝市楊柳青青  
宛地垂桃紅李白花參差花參差柳堪結此時憶君心  
斷絕

同前三首

李白

長相思在長安絡緯秋啼金井欄微霜淒淒簾色寒孤  
燈不明思欲絕卷帷望月空長歎美人如花  
一作佳  
期迢迢隔  
雲端上有青冥之長天下有綠水之波濶天長路遠魂  
飛苦夢魂不到關山難長相思摧心肝

日色已盡花含煙月明欲素愁不眠趙瑟初停鳳凰柱  
蜀琴欲奏鴛鴦弦此曲有意無人傳願隨春風寄燕然  
憶君迢迢隔青天昔日橫波目今成流淚泉不信妾腸  
斷歸來看取明鏡前

美人在時花滿堂  
美人去後花餘牀  
牀中繡被卷不寢  
至今三載猶聞香  
香亦竟不減  
人亦竟不來  
相思黃葉落  
白露點青苔

同前

張繼

遼陽望河縣  
白首無由一作人  
見海上珊瑚枝  
年年寄春

燕

同前二首

令狐楚

君行登隴上  
妾夢在閨中  
玉筯千行落  
銀牀一半空

綺席春眠覺紗窗曉望迷朦朧殘夢裏猶自在遼西

同前

白居易

九月西風興月冷霜

一作露

華凝思君秋夜長一夜魂九

升二月東風來草坼花心開思君春日遲一日腸九迴

妾住洛橋北君住洛橋南十五即相識今年二十三有

如女蘿草生在松之側蔓短枝苦高縈迴上不得人言

人有願願至天必成願作遠方獸步步比肩行願作深

山木枝枝連理生

千里思

李白

李陵沒胡沙蘇武還漢家迢迢五原關朔雪亂邊

一作愁見

雪如花一去隔絕域

集作國

思歸但長嗟鴻雁向西北飛

一作

因書報天涯

同前

李端

涼州風月美遙望居延路泛泛下天雲青青緣塞樹燕  
山蘇武上海島田橫住更是草生時行人出門去

行路難

盧照鄰

君不見長安城北渭橋邊枯木橫槎卧古田昔日含紅

復含紫常時留霧亦留煙春景春風花似雪香車玉輦

恒闌咽若箇遊人不競攀若箇倡家不來折倡家寶袜

蛟龍帳公子銀鞍千萬騎黃鶯一向花嬌春

集作二  
向花嬌兩

兩三三

集作青  
鳥雙雙

將子戲千尺長條百尺枝丹

集作  
月

桂青

集作  
星

榆相蔽虧珊瑚葉上鴛鴦鳥鳳凰巢裏雛鵲兒巢

傾枝折鳳歸去條枯葉落狂

集作  
任

風吹一朝零落無人

問萬古摧殘君詎知人生貴賤無終始倏忽須臾難久



恃誰家能駐西山日誰家能堰東流水漢家陵樹滿秦  
川行來行去盡哀憐自昔公卿二千石咸擬榮華一萬  
年不見朱脣將白貌惟聞素棘與黃泉金貂有時須換  
酒玉塵但搖莫計錢寄言坐客神仙署一生一死交情  
處蒼龍闕下君不來白鶴山前我應去雲間海上邈難  
期赤心會合在何時但願堯年一百萬長作一作與巢由  
也不辭

同前

張紘

君不見溫家玉鏡臺提攜把握九重來君不見相如綠  
綺琴一撫一拍鳳凰音人生意氣須及早莫負當年行  
樂心荆王奏曲楚妃歎曲盡歡終夜將半朱樓銀閣正  
平生碧草青苔坐蕪漫當春對酒不須疑視目相看能  
幾時春風吹盡燕初至此時自謂稱君意秋露萎草鴻  
始歸此時哀暮與君違人生翻覆何常足誰保容顏無  
是非

同前五首

賀蘭進明

君不見崑下井百尺不及泉君不見山上蒿

集作苗

數寸

凌雲煙人生相

集作賦

命亦如此何苦太息自憂煎但願

親友長含笑相逢莫吝

集作不吝

杖頭錢寒夜邀歡須秉燭

豈得空

集作常

思花柳年

君不見門前柳榮曜暫時蕭索久君不見陌上花狂風

吹去落誰家誰

集作鄰

家思婦見之歎蓬首不梳心歷亂

盛年夫壻長別離歲暮相逢色凋

集作已

換

君不見荒

集作芳

樹枝春花落盡蜂不窺君不見梁上泥

秋風始高燕不棲  
蕩子從軍事征戰  
蛾眉嬋娟空守閨  
獨宿自然堪下淚  
況復時聞烏夜啼

君不見雲間

一作月中

月暫盈還復缺  
君不見林下風聲遠

意難窮親故平生欲聚散  
歡娛未盡尊酒空自歎  
青青陵上柏歲寒能與幾人同

君不見東流水一去無窮已  
君不見西郊雲日夕空氛  
氤羣雁裴回不能去  
一雁悲鳴復失羣  
人生結交在終

始莫為

集作以

升沈中路分

同前 崔顥

君不見建章宮中金明枝萬萬長條拂地垂  
二月三月花如霰九重幽深君不見艷彩朝含  
四寶宮香風吹

集作

旦入朝雲殿漢家宮女春未闌愛此芳香朝  
暮看看去看來心不忘攀折將安鏡臺上雙雙  
素手剪不成兩兩紅妝笑相向建章昨夜起春  
風一花飛落長信宮長信麗人見花泣憶此珍  
樹何嗟及我昔初在昭陽時朝折暮折登玉墀  
祇言歲歲長相對不寤今朝遙相思

集作攀

同前三首

李白

金尊清酒斗十千，玉盤珍羞直萬錢。  
停杯投箸不能食，拔劍四顧心茫然。  
欲渡黃河冰塞川，將登太行雪暗天。  
集作 滿山 閒來垂釣坐 集作 碧 溪上忽復乘舟夢日邊。  
行路難，多岐路。今安在？長風破浪會有時，直挂雲帆濟滄海。

大道如青天，我獨不得出。羞逐長安社中兒，赤雞白狗

一作 雞

賭梨栗。彈劍作歌奏苦聲，曳裾王門不稱情。淮陰

市井笑韓信漢朝公卿

一作侯

忌賈生君不見昔時燕家

重郭隗擁篲折腰

一作節

無嫌猜劇辛樂毅感恩分輸肝

剖

一作割

膽效英才昭王白骨縈蔓

一作爛

草誰人更掃黃

金臺行路難歸去來

有耳莫洗潁川水有口莫食首陽蕨含光混世貴無名

何用孤高比雲月吾觀自古賢達人功名不退皆殞身

子胥既棄吳江上屈原終投湘水濱陸機才多

集作雄才

豈

自保李斯稅駕苦不早華亭鶴唳詎可聞上蔡蒼鷹何

足道君不見吳中張翰稱

一作真

連士

集作生

秋風忽憶江

東行且樂生前一杯酒何須身後千載名

同前三首

顧況

君不見古來

集作人

燒水銀變作北邙山上塵藕絲挂身

在虛空

集作在虛空中

欲落不落愁殺人睢水英雄多血刃建

章宮闕成灰

集作煨

燼淮王身死桂枝

集作樹

折徐氏

集作福

一去音書絕行路難行路難生死皆由天秦皇漢武遭

下

集作不

脫汝獨何人學神仙



君不見擔雪塞井徒

集作空

用力炊砂作飯豈堪喫

集作食

一生肝膽向人盡相識不如不相識冬青樹上掛凌霄

歲宴花凋樹不凋凡物各自有根本種禾終不生豆苗

行路難行路難何處是平道中心無事當富貴今日覺

集作看

君顏色好

君不見少年頭上如雲髮少壯如雲老如雪豈知灌頂有醍醐能使清涼頭不熱呂梁之水挂飛流黿鼉蛟蜃不敢游少年恃險若平地獨倚長劒凌清秋行路難行

路難昔少年今已老前朝竹帛事皆空日暮牛羊古城草

同前

李頎

漢家名臣楊德祖四代五公享茅土父兄弟

集作父子兄弟

綰銀黃躍馬鳴珂朝建章火浣單衣繡方領茱萸錦帶

玉盤囊賓客填街復滿坐片言出口生輝光世人逐勢

爭奔走漑膽隳肝惟恐後當時一顧生青雲自謂生死

長隨君一朝謝病還鄉里窮巷蒼茫絕知己秋風落葉

閉重門昨日論交竟誰是薄俗嗟嗟難重陳深山麋鹿  
下為鄰魯連所以蹈滄海古往今來稱達人

同前二首

高適

君不見富家翁昔時貧賤誰比數一朝金多結豪貴萬  
事勝人健如虎子孫成長

集作行

滿眼前妻能

一作解

管弦

妾能舞自矜一朝

集作身

忽如此却笑傍人獨悲

一作愁

苦

東鄰少年安所如席門窮巷出無車有才不肯學干謁  
何用年年空讀書

長安少年不少錢，能騎駿馬鳴金鞭。  
五侯相逢大道邊，美人弦管爭留連。  
黃金如斗不敢惜，片言如山莫棄捐。  
安知顛顛讀書者，暮宿虛

集作靈

臺私自憐。

同前

張籍

湘東行人長歎息，十年離家歸未得。  
弊裘羸馬苦難行，僮僕饑寒少筋力。  
君不見牀頭黃金盡，壯士無顏色。  
龍蟠泥中未有雲，不能生彼升天翼。

同前

聶夷中

莫言行路難夷狄如中國謂言骨肉親中門如異域出  
處全在人路亦無通塞門前兩條轍何處去不得

同前

韋應物

荆山之白玉兮良工雕琢雙環連月蝕中央鏡心穿故  
人贈妾初相結恩在環中尋不絕人情厚薄苦須臾昔  
似連環今似玦連環可碎不可離如何物在人自移上  
客勿遽歡聽妾歌路難傍人見環環可憐不知中有長  
恨端

同前三首

柳宗元

君不見夸父逐日窺虞淵跳踉北海超崑崙披霄決漢  
出沆漭瞥裂左右遺星辰須臾力盡道渴死狐鼠蜂蟻  
爭噬吞北方埶人長九寸開口抵掌更笑喧啾啾飲食  
滴與粒生死亦足終天年睢盱大志少成遂坐使兒女  
相悲憐

虞衡斤斧羅千山工命采斫棧與椽深林土翦十取一  
百牛連鞅推雙轅萬圍千尋妨道路東西蹶倒山火焚

遺餘毫末不見保  
蹢躅磽壑何當存  
羣材未成質已夭  
突兀崿豁空巖巒  
柏梁天災武庫火  
匠石狼顧相愁冤  
君不見南山棟梁  
益稀少愛材養育  
誰復論

飛雪斷道冰成梁  
侯家熾炭雕玉房  
蟠龍吐耀虎喙張  
熊蹲豹擲爭低昂  
攢巒叢萼射朱光  
丹霞翠霧飄奇香  
美人四向迴明璫  
雪山冰谷晞太陽  
星躔奔走不得止  
奄忽雙燕棲虹梁  
風臺露榭生光飾  
死灰棄置參與商

盛時一去貴反賤  
桃李葵扇安可常

集作當

同前 鮑溶

玉堂向夕如無人絲竹儼然宮商死細人何言入君耳  
塵生金尊酒如水君今不念歲蹉跎雁天明明涼露多  
華燈青凝久照夜綵童窈窕虛垂羅入宮見妬君不察  
莫入此地出風波此時不樂早休息女顏易老君如何

同前五首 僧貫休

不會當時

一作初

作天地剛有多般愚與智到頭還用真

宰心何如上下皆清氣大道冥冥不知處那堪頓得義



和轡義不義兮仁不仁擬學長生更容易負心為爐復  
為火緣木求魚應且止君不見燒金煉石古帝王鬼火  
熒熒白楊裏

君不見道傍廢井生古木本是驕奢貴人屋幾度美人  
照影來素綆銀瓶濯纖玉雲飛雨散今如此繡闥雕甍  
作荒谷沸渭笙歌君莫誇不應長是西家哭休說遺編  
行者幾至竟終須合天理敗他成此亦何功蘇張終作  
多言鬼行路難行路難不在羊腸裏

九有茫茫共堯日浪死虛生亦非一清淨元音竟不聞  
花眼酒腸暗如漆或偶因片言隻字登第光二親又不  
能獻可替不航要津口談義軒與周孔履行不及屠沽  
人行路難行路難日暮途遠空悲歎

君不見道傍樹有寄生枝青青鬱鬱同榮哀無情之物  
尚如此為人不及還堪悲父歸墳兮未朝夕已分黃金  
爭田宅高堂老母頭似霜心作數丈淚常滴我聞忽如  
負芒刺不獨為君空歎息古人尺布猶可縫潯陽義犬

令人憶寄言世上為人子孝義團圓莫如此若如此不  
過死分更何俟

君不見山高海深人不測古往今來轉青碧淺近輕浮

莫與交池

一作地

卑只解生荆棘誰道黃金如糞土張耳

陳餘斷消息行路難行路難君自看

同前二首

僧齊己

行路難君好看驚波不在黥黥間小人心裏藏奔湍七  
盤九折寒嶮崿翻車倒蓋猶堪出未似是非唇舌危閣

中潛毀平人骨君不見楚靈均千古沈寃湘水濱又不  
見李太白一朝却作江南客

下浸與高盤不為行路難是非真險惡翻覆作峰巒漆  
媿同時黑朱慚巧處丹令人畏相識欲畫白雲看

同前

翁綬

行路艱難不復歌故人榮達我蹉跎雙輪晚上銅梁一作

臺雪一葉春浮瘴海波自古要津皆若此方今失路欲

如何君看西漢翟丞相鳳沼朝辭暮崔羅

同前

薛能

何處力堪殫人心險萬端藏山難測度暗水自波瀾對  
面如千里迴腸似七盤已經吳坂困欲向鴈門難南北  
誠須泣高深不可干無因善行止車轍得平安

從軍中行路難二首

駱賓王

君不見封狐雄虺自成羣馮深負固結妖氛玉璽分兵  
徵惡少金壇受律動將軍將軍擁旄宣廟略戰士橫行  
靜夷落長驅一息背銅梁直指三巴逾劒閣閣道宮堯

上集作起戍樓劔門遙裔俯靈丘  
卽關九折無平路江水

雙源有急流征役無期返  
他鄉歲華晚杳杳丘陵出蒼  
蒼林薄遠途危紫蓋峰路澀  
青泥坂去去指哀牢行行  
入不毛絕壁千里險連山四  
望高中外分區宇夷夏殊  
風土交趾枕南荒昆彌臨北  
戶川源饒毒霧溪谷多淫  
雨行潦四時流崩查千歲古  
漂梗飛蓬不自安捫藤引  
葛度危巖昔時聞道從軍樂  
今日方知行路難蒼江綠  
水東流駛炎洲丹徼南中地  
南中南斗映星河秦川秦

塞阻煙波三春邊地風光少五月瀘中瘴癘多朝驅疲  
斥候夕息倦誰何向月彎繁弱連星轉太阿重義輕生  
懷一顧東伐西征凡幾度夜夜朝朝斑鬢新年年歲歲  
戎衣故灞城隅滇池水天涯望轉積地際行無已徒覺  
炎涼節物非不知關山千萬里棄置勿重陳集作  
征行  
多苦辛且悅清笳楊柳曲詎憶芳園桃李人絳節朱旗  
分白羽丹心白刃酬明主但令一枝集作  
被君王識誰憚  
三邊征戰苦行路難行路難歧路集無此  
二字幾千端無復

歸雲馮短翰望日想長安

君不見玉關塵色暗邊亭銅鞮雜虜寇長城天子按劍  
徵餘勇將軍受脤事橫行七德龍韜開玉帳千里鼙鼓  
疊金鉦陰山苦霧埋高壘交河孤月照連營連營去去  
無窮極擁旆遙遙過絕國陣雲朝結晦天山寒沙夕漲  
迷疎勒龍鱗水上開魚貫馬首山前振鷗翼長驅萬里  
驚祁連分麾二命武功宣百發烏號遙碎柳七尺龍文  
迴照蓮春來秋去移灰琯蘭閨柳市芳塵斷鴈門迢遼



尺書稀鴛被相思雙帶緩行路難

集重行路難三字

誓言令氛祲

靜皋蘭但使封侯龍額貴詎隨中婦鳳樓寒


變行路難


王昌齡

向晚橫吹悲風動馬嘶合前驅引旗節千里陣雲布單  
于下陰山砂礫空颯颯封侯取一戰豈復念閨閣

御定全唐詩卷二十五

謹叅卷二十五第三頁後三行海波分作兩處生  
刊本波訛濱據長慶集改





總校官庶吉士

臣

張能照

校對官檢討

臣

龔大萬

謄錄監生

臣

杜成